

Visoki predstavnik produžio mandat međunarodnog člana VSTV-a



Na zahtjev Visokog sudskog i tužilačkog vijeća (VSTV), visoki predstavnik Miroslav Lajčák danas je donio odluku o produženju mandata Svena Mariusa Urkea na funkciji međunarodnog člana VSTV-a do 31. decembra 2009. godine.

Izrazivši se pohvalno o doprinosu g. Urkea radu VSTV-a, visoki predstavnik je dodao da "u trenutnoj klimi, u kojoj su pojedini suci i tužioci, kao i pravosudne institucije, izloženi političkim napadima, važnije je nego ikada ranije da VSTV funkcionira slobodno i efikasno".

Do sada je VSTV imao dva međunarodna člana. Smanjenje ovog broja na jednog međunarodnog člana predstavlja korak dalje prema punoj odgovornosti domaćih članova Vijeća.

VSTV ima vitalnu ulogu za razvoj profesionalnog i nezavisnog pravosuđa. Ovo je ključni zahtjev za proces evropskih integracija za Bosnu i Hercegovinu, a jačanje vladavine prava je također jedan od ciljeva koje treba ispuniti za tranziciju OHR-a.